

Miz vah cienznaeuz mwh Mingzcauz Nanzningz Si Nazheuj Cin miz aen Mbanjsamranz ndeu, ndaw mbanj miz ranz Banh、ranz Ciengj、ranz Suh sam aen singq vunz comzyouq. Binaengz ndwencieng cibhaj, gak aen singq gag senj duz vaizdaeg ak ndeu okdaej beij doxdaemj, baih daemj hingz de ndaej senj boux ndeu okdaej guh mbanjdaez, guenj daengx mbanj.

Gunghyenz 1813 nienz ndwen-cieng cibhaj, sam aen singq yien vaiz daeuj beij doxdaemj, ranz Suh miz laeq lwgsai ndaej haj bi ndeu deng duzvaiz ranz Banh caij dai. Ranz Suh caeuj ranz Banh couh yienghneix miz cenx lo, song ranz doxceng doxcaengz, Mbanjsamranz daj haenx hwnj mbouj miz ngoenz onjyouq gvaq. Aenvih doxceng daiq lai mbouj ndei guh gwn, mbouj geij nanz Mbanjsamranz couh gag sanq lo, ranz Banh deuz haiej Mbanjnazheuj, ranz Ciengj deuz ok Hawnazheuj, ranz Suh deuz bae daengz Ginhcouh Si Mbanjdaemz-raeuz、Mbanjbien ranghdieg haenx.

Goenglaux ranz Banh yahdaeuz

Gij Cienzgangj “Giuzyieng” Nazheuj

南晓“香火球”的传说

□ Se Ginhlungz/谢金龙

de miz song daeglwg, lwg ngamq ndaej cib lai bi yah couh dai lo. Gvaq sam bi le de aeu yahngeih, bi’ geq youh ndaej laeq lwgsai ndeu, sim’ angq dangq-maz, gyaез lumj nohsimdaeuz, song daeggo gig da’ nding, gingciengz ndaq de, yienghyiengh diunanh de. Goenglaux mbouj miz banhfab, siengsim gvaqbouh gag dai bae. Sam beixnuengx guh mbouj ndaej doxgwn, daegnuengxiq riengz meh de deuz daeuj daengz dieg Mbanjgorenh siezneix, dap ranzhaz, hai nazreih, song mehlwg gvaq ndaej gig dwgrengz. Naz moq reih moq, nou roeg gyaез coh, loegcak mbouj baenz, ndwenngoenz gig hoj. Daxmeh mbouj nyienh

youq lo, miz ngoenz ndeu, de byaij daengz henz dah, yaek diuq roengz raemx bae dai, sawqmwh ndaej raen gwnz raemx ndawdah miz mbaw ronggya ndeu fouzbembem biu gvaq-daeuj, baihgwnz miz sam naed doengzcienz、sam diuz bwngaeq caeuj sam diuz yieng, daxmeh nyinhnaeuz neix dwg saenzsien gwnzmbwn daegdaengq soengq daeuj hawj de, couh mbouj siengj dai lo, de laux rongga doengzcienz bwngaeq hwnj-daeuj, dawz baema ranz. Mehlwg diemj sam diuz yieng gyo’ mbaiq aencingz mehmbwn, aeu bwngaeq cap hwnj ronggya bae, hoij youq gyangnaz hawj duzroeg duznou lau



mbouj gamj daeuj sai nazhaeux. Nazhaeux caen maj ndaej ndei dahraix, caemhcai q mbouj nou gwn mbouj roeg sai mbouj non dwk, mehlwg rox mehmbwn ndei, cix guh aen miuhdeih ndeu, ndwencieng coit、cibhaj yungh bwngaeq nem yieng cap doengzcienz, diemj yieng gvih baiq, aeu bwngaeq cap ronggya dawz bae hoij gyangnaz hen gomiuz mbouj hawj duznou duzroeg daeuj sai. Doeklaeng daeglwg baenzgya, ciengx lwg ciengx lan, daihdaih guh ndaej gwn. Ranz Banh aeu bwngaeq nem yieng cap doengzcienz bae baiq miuhdeih gij fungsug neix couh ciuhciuh daihdaih cienz roengzdaeuj. Vunz ciuhlaeng dawz doengzcienz、bwngaeq、yieng gyoeb baenz aen “giuzyieng” dawz daeuj guhcaemz, haemq mizyinx, codaeuz song boux vunz doxdwk, cimhlaeng youh song boux doiq song boux dwk, riengz dwk cix baenz gyoengq vunz bae dwk.

“Giuzyieng” doeklaeng ciemh-ciemh bienq baenz yenzsiuh hawmih、hoihdaeng hangh cujyau hozdung ndeu, bienqbaenz hangh diyyuz hozdung bauhamz gyoengqvunz maqmuengh siuca、atsez、gouz fuk、doz gitleih ndeu, riuzcienz youq ranghdieg Nazheuj caeuj baihbaek Ginhcouh Si. “Giuzyieng” Nazheuj gaenq ndaej liedguh swcigih feihvuzciz vwnzva yizcanj baujhoh hanghmoeg.

Ngux Nyied Co’ngux Gwn Haeuxywed

五月初五吃糯米

□ Ouh Caijfangh/欧彩芳

Moix bi daengz ciet ngux nyied co’ngux, mbanj gou ranzranz cungj aeu guh haeuxywed ma gwn. Haeuxywed dwg cungj faengx ndeu, youq dieg Cungzcoj Si, gyoengqvunz daengz ndwen ngux cij guh.

Guh haeuxywed dwg yiengh hong saeqsim ndeu. Guh haeuxywed, aeu miz faexmujgingh (vunz Lungz-couh heuhguh faexban) gonq, gode maj youq henz naz henz loh, gyoengqvunz ra ndaej gode ma le aeu daeuj coemh baenz daeuh, caiq dawz daeuh neix do roengz caengx bae, ndingq raemx roengzbae, hawj raemxdaeuh menhmenh ndik ok-daeuj liux bae, yienzhaeuh aeu bae

cawj, cawj goenj le couh ndingq okdaej, seizneix caengh ndaej cuengq haeuxcid roengzbae cimq, cimq 4 aen cungdaeuz doxhwnj. Guh sat gijneix couh hainduj bau haeuxywed lo. Yungh donh faexcuk ma guh vunq, aeu rongfaengx roxnaeuz rongcing swiq seuq haenx gienj donh faexcuk neix baenz diuz, guenq haeuxcid roengz ndaw faexcuk bae, yienzhaeuh yut faexcuk okdaej, aeu cag cug ndei couh ndaej lo. Bau haeuxywed ndaej le couh roengz moj bae cawj, aeu cawj 10—12 aen cungdaeuz cij ndaej.

Gwn haeuxywed aeu caemj

raemxdangz roxnaeuz raemxdangz-rwi, baenzneix haeuxywed mbouj-danh yawj hwnjdaeuj henjrwg youh ronghcingx, gwn hwnjdaeuj hix ndei geux youh vandiemp, lij miz feihhom mbawrongfaengx dem.

Faexmujgingh、rongfaengx、dangzrwi cungj ndaej cawz bae ndangndat bouxvunz, hawj ndang-daej raeuz bienq liengz, sam yiengh doxgaiq neix gap hwnjdaeuj sawj haeuxywed youh ndeigwn youh ndaej guhyw, gou siengj, neix couh dwg vihmaz gyoengqvunz gyaез youq seiz ngux nyied dienheiq ndat neix gwn haeuxywed ba.

16.Cazyawj Hawciengz Ndwen-cieng

Bi 1963 ngoenznyenzdan ngamq gvaq, Veiz Gozcingh caemh ngamq bae Sinhcinh Suijdencan yawj gyoengq cizgungh caeuj genjcaz hong dauqma Nanzningz, youh muengz caeuj boux suhgi guenj caizmou Ho Hihmingz ngeixyaeng gij saeh hawciengz ndwen-cieng gunghawj haenx.

“Lauj Ho, yaek gvaq cieng lo, gij huq gunghawj gvaq cieng bwh ndaej baenzlawz yiengh?”

Ho Hihmingz naeuz: “Ndwengonq gou caeuj gij bumwnz caizmou hai gvaq baez hoih ndeu, cienmonz ngeixyaeng gij saeh gunghawj gvaq cieng. Gaicawx、gunghsiuh caeuj haeuxgwn geij gaiq neix dou cungj siengj lai ra di huq, hawj vunzlai ndaej gvaq ndei cieng.”

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Veiz Gozcingh naeuz: “Aen banhfab neix ndei lai, guh hong caizmou cix wnggai lai naemj hawj vunzlai. Song sam bi gonq, fusizbinj gunghawj gaenjcieng, hawciengz youh gai ndaej bengz, vunzlai mbouj ndaej gvaq ndei cieng, seizneix ginghci yaengyaeng dauqndei lo, raeuz aeu youq gunghawj gijgwn fuengmienh guh

ndaej fungfouq di, sawj vunzlai gvaq ndei cieng.”

Ho Hihmingz gangj le mbanj gidij cingzgvang de rox haenx, de naeuz, ra huq lij nanz, gij soqmoeg caeuj binjcungj gihgvanh ganbu、vunzyouq ndaw singz baengh biuq gunghawj haenx lai gvaq bigonq, hawciengz caemh gyangqgyaq. De

naeuz: “Cijaeu guh ndei hong, vunzlai cix rox habhoz.”

Veiz Gozcingh doiq Ho Hihmingz guh anbaiz mbouj miz maz yigen: “Yienghneix cix ndei, itdingh heuh gij dungzci bumwnz caizmou sijsaeq、maenhsaed guh hong, hawj vunzlai ndaej angqyangz gvaq cieng.”

(caengz sat)